

井福堂文稿

井福堂文稿卷三

鎮洋 汪學金 敬箴

充文淵閣檢閱謝呈

竊某等佔卑庸流草茅賤士侍書東閣深慚詠藥之才
正字西清幸被然藜之照每丹鉛之自勉尚讎校之多
疎恭逢我

皇上炳耀天文宏開

冊府廣蒐四庫集宛委以臚編登進羣儒仿奎章而刊
職乃以省垣之末秩均叨

井福堂文稿

卷三

秘閣之新銜循分生競顧名滋媿捧琅函之五色金薤
晴開瞻寶字於三霄翠芸畫馥學無訓詁敢希窺豹之
斑業忝縹緗喜附登龍之目惟有恪勤趨事踴躍觀光
備掌故於鳳池常奉曝書之嘉會綴班行於虎觀永殫
握槩之微忱

議叙四庫館纂校諸臣謝呈

竊某等職忝編摩學疎佔呬木天濫直備清選于蓬池
藜火同分校秘文于芸館恭逢我

皇上奎壁光華琳琅美富萃縹囊于

三閣詎惟制仿崇文煥金薤于重霄奚啻珍儲天祿入
卿嬛之境窺管無從探窺委之編操觚私幸十行難下
歎駑馬之淹程六義多訛哂蠹魚之聚飽每荷

幾餘指誤愧無毫末之長屢蒙格外

垂慈迴出尋常之數茲乃酉陽甫就

乙夜親披浹旬叢帙初排兩度

溫綸臺沛守呶唔之故業未竟全功

鑒校勘之微勞遽膺上考用

新恩仍行舊例班弗墜於銓除計日課兼論年資

賞豈嫌乎竽濫因而薇垣槐市喜溢彈冠逮彼畫史鈔
胥歡騰握槩西清東觀羣瞻有喜之

天顏右史左圖均被無私之

離照涓埃莫報銜結滋深惟有慎敏在公恪勤歲事點
丹黃而勉竭冀勿逾六年四部之期臚鉛素以觀成庶

仰答千載一時之遇

普免漕糧謝呈

皇上泰祉延禧益膏乎惠星雲復旦轅韶臚頌

堯衢雨露敷春庾賦普蠲禹甸前此丁租四免奠金甌
而地寶咸登今茲

申命重熙周璇筴而

天恩特沛迺日邊之銜鳳喜捧

丹綸集海澨之扶鳩歡騰綠覲垓塹藏富

六十年久被生成

燾載含仁億萬載長臻樂利學金等鄉閭食福耕鑿蒙

庥豐綏方際夫

昌辰浩蕩頻叨乎

曠典竊願農祥解阜

歌風紓九鴈之咨更看

壽澤延洪施雨仰

六龍之御

先司空

予祀鄉賢謝呈

伏念臣父工部侍郎汪

服官鄉貳慎臨履於冰淵

侍直

禁廷仰光華於

日月生逢

盛際展葵之素願維虔歿感幽局結草之餘忱自切茲
以疊臣臚請覈衆好於鄉評因而儀部專章奉
特俞於祠祀

絲綸煥采

命申增里鄙之榮俎豆分裡令甲定膠庠之制良由故
父一生學行久在

聖明洞鑒之中抑且微臣再世生成備荷

高厚鴻慈之至

恩逾海岳未能稍効夫涓埃

寵逮泉壚何幸獨周於雨露飭司存於社祭閭書與邦
典長昭覲食報於儒修士品及官方交勵望

九陛延顧企踵

皇仁戴子子孫孫矢一家刻髓銘肌
聖澤被生生世世

署日講起居注官謝摺

竊臣江鄉下士世受

國恩乾隆四十六年一甲三名進士授職詞垣屢與編
摩洊司衡校嗣因患病告假回籍十年伏里每紆向
日之心數月趨

朝再躡登瀛之級茲復仰蒙

恩命

簡署講官清班近接夫

天臨

異數倍深於山戴

楓墀鵠立窺

念典於丹筵芸署鳧趨紀藏庸於翠牒惟有恪循閑檢
勉礪廉隅致身內凜勿欺敬事先思匪懈吹噓枯朽欣
榮涵

雨露之施鞭策駑駘竭屢効涓埃之報

充日講起居注官謝摺

竊念臣材慚儒選世受

國恩蒙我

皇上拔擢游陞

恩賜召對

鴻慈逾格非臣夢想所敢妄希茲復欽承

申命實充講官賡颺近仰夫

星雲

寵眷倍深於雨露惟有勤趨史職恪守官箴顧精白於

冰銜謹勵廉隅之節備清華於珥筆快揚
耆定之勲

授右庶子謝摺

竊臣蓬茅薄植樗櫟庸材一家備沐

生成

特達更蒙

陶鑄班依侍從近分珥筆之榮職在編摩深抱扣槃之

陋茲復仰承

寵命簡掌右坊叙觀

闕之新資未逾一歲望登瀛之層級已越三遷惟有恪
守官方勤趨史局春華謝採報

恩媿乏文章冰履兢循矢念勉期精白

為王大臣四庫全書第一分告成謝摺

乾儀朗曜圖書同九寓之文

泰運重熙禮樂合百年之會

集大成而備美聲振洪宣

啓中秘以羅珍琳瑯式煥道光經籍重霄卿商之華義
括苞符復且璣衡之象導鴻源於積石派別詞流瞻璧
采於寰瀛滙歸學海左宜右有譬濞渙之成章共貫同
條若江河之行地

聖者作而明者述議禮制度考文俯以察而仰以觀窮

理盡性至命開來繼往千百王等損益之原緯地經天
億萬載際

光昌之治書林賁色冊府增輝溯自道原義畫神錫軒
圖赤文綠字之奇金檢瓊泥之祕星雲紉縵煥乎治曆
中天山海瑰奇粵若文敷大夏商盤簡質六七君典學
稱賢周籍詳明內外史藏書可攷始表章乎西漢班書
劉畧咸精逮著錄於南朝阮志荀經遞改稽甲乙丙丁
之類別肇於隋代開皇至經史子集之部分始自唐時
麗正洎乎宋室乃建崇文更標三館之藏別度四門之

殿編摩例踵總沿中壘之名論述功深熟著華林之畧
然而金箱字祕羽林之芝檢難尋玉笈書湮宛委之琅
函久軼酉山業富誰逮儲珍昂宿光分漫誇譚藝縱復
侈陳盛事從無蒼歛全編况乎義例難該校讐未審樵
蘇蕝園難盡登琬璧之材採擷詞條或徒賞蘭苔之秀
卓然成一家著作振古其難炳焉與三代同風於斯為
盛我

皇上文炳二儀淵涵萬有
觀天人而成化倬彼為章

演河洛以昭符會其有極

膺圖受籙

前光承通駿之庥握鏡闡囊累洽茂洪龐之慶

皇威赫濯大一統於車書

聖學精深

勅萬幾於謨典

詩成四集龍負字而鳳含音

旨約六經鏡為銘而孟有誠

謂際豐亨豫大撫民物之阜昌斯期古茹今涵助昇平

之潤色

特頒明詔博採遺書

命畫吏而陳函進詞曹而給札駢羅億卷望烟海以迷
津番直三廳坐木天而駐景擇言尤雅百家之蹊駁都
刪廣業惟勤七錄之研搜分任選佚文而開厠氏活字
雕梨遴善本而付鈔胥生香溢楮釐其次第皎若列眉
辨厥等差別為存目至若典徵勝國奔在詞垣流傳永
樂之編題曾備承明之肄考雖裒成萬冊頗資墜簡蒐
存而拘泥四聲無取全文割裂珍來片羽喜聯綴之無

痕揀盡兼金務泥沙之悉汰譬彼朝宗有本將覺世而
牖民萃茲中外所儲咸發凡而起例撮其要領體裁評
騭之必詳冠以提綱姓氏里居之備載訂訛析異俾不
掩乎瑕瑜譯義切音期弗差於銖黍蓬池芸館同依藜
照之輝槐舍薇垣與校芝蘭之席十行難下策驚馬之
淹遲三寫多訛勘魯魚之疎漏每積成千帙隨時供
乙夜之披即

巡蒞六飛計日附星郵之達仰折衷於
宸斷袞鉞彌嚴邀弁冕於

天題鑑衡悉當萬籤選要書堂則

摘藻先陳兩部觀成仙籙則

味腴踵列蓋體大物博必更衆手乃成而理富文繁要以十年為計於是經營

秘閣輪奐新題仿范家舊度之規準宋代設官之制淵深源遠

禁垣啓而

御苑兼儲津逮溯洄

山館成而

陪京增建迅移膏晷期併日以程功勉事縑緡歲浹旬而幸歲始全臚於一部競惕方深荷

渙號於

九重渥優疊沛

錄微勞而第及序遷許越常資滿舊類而

恩加超擢即聞

新命或叨榮於進級均注選於登名凡此

殊恩已

重申夫巽命何期

曠典復

大需夫需雲仲春二日之期千載一時之盛

瑤閣旦啓瞻鳳蓋之紛葩

經殿天臨燦龍文之煜耀惟

君師統合同樂壽於人民而

奎壁光騰萃文章於淵藪乃

臨延閣庸肆廣筵碧瓦流雲亘銀塘而對影青疏漾日

浮翠簡而交光排闥則四壁旁羅插架則三層疊上瞻

顏咫尺齊稱

萬歲之觴拜手堂廉共飽千珍之饌奏仙琅於鰲背寵
茲人喻瀛洲聯香袖於螭頭恍若身來天上復有

上方珍賚

中禁駢恩吉徵則如意搜瓊故實則矢音搦琬翠煙濃
染墨雲宜紫石之腴黃絹勻裁箋樣試綠沈之管綺聯
縟采綴將雜佩玲瓏香合含芬貯以雕盤璀璨簽名宣
賜叶嘉會於承筐飫

德臚歡極殊榮於載筆臣等學疎握槩識陋傾蠡奉
指示於幾餘幸闕美富効涓埃於毫末莫贊休明承

恩命之自

天撫躬私幸切感慚於無地祝

聖彌殷惟有益勵研摩倍勤點勘瞻鴻文於

大造廿八宿炳耀常新申鳧藻於羣情三千牘形容難
罄勉副六年之限勗哉敏事有功佇觀四部之全允矣
多文為富

為江浙諸臣續辦三分四庫全書謝摺

皇上道化觀文教思敷命闡苞符於河洛治啓

光天宣聲振於垓埏風行寰宇瑤闔拱極

北辰居紫府之尊珠緯分躔南紀萃黃輿之秀溯自全
書肇輯裒百代於儒林

延閣宏開納萬流於學海度芸編而慶落一部駢羅課
藜校以觀成六年踵歲固已都京飭建朝宗象四瀆之
歸宙合軌同美富薈千秋之盛茲復

命申重巽

光被明離

念斗牛實都會之區人文所聚而奎壁在層霄之表冊
府奚窺廣藝圃之樵蘇

惠彼南金東箭勗書帷之絃誦假之右史左圖粵兩浙
三吳地有湖山之美自

六飛五莅人依

日月之光翹鳳羽於卷阿藹吉則

游歌紀瑞洽覓情於澤國涵濡則歛唱臚歡蓬閣天開
福地啓

軒宮之勝，娜嬛境，閼名山，留禹簡之藏，堂號大觀，浮玉之一峯，對蠡湖，稱明聖，湧金之雙鏡，交輝導湍，滙於濤江，寺鎮山而宗海，若寫漪瀾於沙堰，閣峙鼎而倚雲，將爰因舊庋之規模。

特賜新成之部目，鈔胥重付，準副墨以程功，泉府式領計傭書而

給直，迅編摩於汗簡，變通鼓舞，以盡神澄，銓叙於濫竽，省試廩餼，以稱事淮海，江河之上，別開羣玉者，三淵源津朔而餘並曜，連珠之七。

集大成而運開魏煥

熙朝之盛典希聞發中秘而學慕沿洄傑閣之嘉名克
稱三萬六千冊之文字長留山水高深四百八十寺之
樓臺普被星雲糾縵况復鯁生螢案獲覘廣內之儲

鰲禁鴻篇俾佐窮檐之讀恍置身於芝園夢遊不羨張
華異作史於蘭臺給使還嗤班固手牋萬本傳抄未見
之奇腹果三餘寤想難期之遇前此板雕活字許撫秘
刻於

武英今茲書

賚全編更荷

褒綸於文藪列籤題於東觀古今之寶帙咸登

錫杓指於南車吳會之榮光尤近臣等菰蒲下士樗櫟
庸材點勘多疎忝校琅函於天祿

恩施遠被載承

鳳勅於

霞莊際稽古之

昌辰江山增賁頌作人於

壽宇雲漢為章

井福堂文稿

卷三

六

澤廣菁莪期副中阿之

樂育慶深桑梓同申下里之驩謠

為王大臣請舉行

萬壽盛典摺

皇上福備箕疇治光軒紀慎厥修而思永

寅紹丕基久於道以化成緝熙

絕嘏建極保極會運世乃統於元大生廣生祿位名必
得其

壽粵若紀逢開甲萃一堂

五代之祥洎茲歲叶先庚肇

萬壽八旬之慶

井福堂文稿

卷三

九

功文極乎魏煥典禮觀其會通瑞軼古今歡騰中外溯
自豐規則大苞符開乾健之交馨德升中圖錄演泰元
之筴業兼守創續

洪緒而仔肩統合

君師徧芸生而在宥

神武則星源月竈隸漢唐宋莫隸之方輿

聖文則奎藻雲章開夏商周末開之邛運況復父母羣
物天地一家惠我有孚所其無逸東作西成之補助問
夜求衣先河後海之宣防乘春蒞

蹕罷催科於廬井鏐租普免者三停轉運於舩艗玉粒
全蠲者再千百萬帑金疊沛發

綸言而山積泉流卅四科慶榜聯開顴髦俊而雲蒸霞
蔚是以九流仰鏡翊鞏固於金甌六氣調鈞賚延洪於
玉券蒼絳應房心之位

德乃福基紫垣明角亢之占

仁為壽體際淳龐之懿軌惟讓

善而弗居臻盛美之上儀洵推

恩其有自錫類廣施仁之量典勿侈於

五旬六旬單心裕基命之原

幾恒勅於一日二日迨夫

古稀躋袞

昊貺申祺千載一時萬方同慶瑤源毓祉曾元繇姬陟
之床翠瀝流甘耆耆普堯樽之惠珠囊錫羨未足摹繪
光華玉檢登封詎能鋪張英茂顧廼道冲為用播

鴻名而莫能名澤允無疆施美利而不言利謹德隅而

念典

黃屋凝旒凜心矩以

敷言丹書陳宸時幾交斐昭祐助於

穹儀第祿永康席純常於

景祚太和所謂道惟久則徵嘉會得其亨於斯為盛洪
惟

椿紀迓上章之歲覽揆延禧蘿圖應

曼壽之辰期頤兆瑞披廿二朝之甲子享國疇如三代
以前統八千歲為春秋

介年初度百分之一實鳳籀龍編所未睹洵電樞星渚
之莫京猶復

謙德彌尊

淵衷益懋際累洽重熙之治華祝三辭

厯持盈保泰之懷幽觥再讓典隆法

祖考鴻章而已展廿年祐篤承

天富

鼎錄而粵開萬禩雖元功不宰大鈞昭易簡之符而協
氣所蒸寰宇切

尊親之戴驗風受吏梯航無間於遐陬獻曝酬

恩舞蹈不遺於編戶沐陽春之煦育草木貢其蕃庶覩

復旦之文明星雲呈其紉縵揆厥感孚之理倍萬歡訢
準諸協應之情大千讚誦臣等幸依

黼座常侍

彤庭仰睟穆之

天顏康彊逢吉祝升恒之

聖筭福祿來崇

壽宇偕遊頌禱罕徵諸史牒

恩輝久被就瞻彌篤於班行竊惟鞠醴稱觴共志循陔
之喜矧夫賡颺拜手羣伸聯陞之歡荷

大雅堂集卷之三
三
幃載之深仁效抒誠於葵藿普垓埏之至樂擬祝

嘏於臺萊伏願

俯順輿情踵修

鉅典集千春之

慶祉量福海以添籌合九寓之歡心測恒沙而益紀庶
幾郊遊輟集成應

帝期卷舞衢謠交陳王會九萬里圓顧方趾褰裳徠鷁
鰈之區三千叟皓首龐眉扶杖集龍鸞之隊

為直省大吏請舉行

萬壽盛典摺

皇上福基自德

壽本諸仁積籌

開七表其初既超六帝而治功甚遠

握籙越五旬而外更後三代而往牒未聞仰敬

天法

祖愛民勤政之心予億兆人以共見臚

文德武功剏制顯庸之盛累千萬牒而難窮莫贊一詞

維抒衆志達下情之忠孝彰上瑞之苞符必

有德其乃有心惟以頌實斬以祝竊以天皇萬歲史臣
喜紀其春秋黃帝百年大撓忻編其甲子堯髦期而勤
著衢壤效歌舜大德而受符星雲同慶雅賡戩穀徵日
長川至之祥幽晉無疆躋朋酒羔羊之頌允合詩書之
之古義真由草野之至情我

聖王久道化成惠心元吉

撫綏黎庶則蠲紆賑備之不絕書

覆冒臣工則

教誨成全者亦多術

特科廣選三雍

澤被於縫衣日廩月糧五廣

恩周於衲服極天所覆偕一十七省而共樂舒長入人
也深閱五十二年而彌加淪浹凡平日之塗歌巷舞咸
欽

有道聖人際

昌辰而膜頂焚香同佑

無量壽佛前值

井福堂文稿

卷三

五

古稀之鴻慶並殷祝

嘏之蟻忱

皇上謙德示冲

天懷崇儉念切於

君心民體知兆姓有願稱觥

樂惟在吏畏民懷

諭列服無庸詣闕莫展祝

釐之典仍邀

行慶之恩雖

天地為心如父母不言施報而歲月以異即愚賤亦具
性情含意未申久懷欲吐事豫則立積七年當後甲之
辰誠感斯通期

萬壽值先庚之歲虹流電繞

箕疇備五福之堂日升月恒

軒紀周八旬之算蘭階就傳蕃椒衍庭之益臻

楓宸勅幾食盱衣宵之愈劬

日又新而富有

天不息而貞恒八卦生八卦成八八紀大衍之策五天

數五地數五五居河圖之中運悠於乾清坤寧慶洽乎
上蟠下際皇春帝夏闢

壽寓而偕遊卿月民星望熙臺而共上虔思引領肅布
齋心歲序逢辰在蟲鳥亦鳴其豫義娥正午凡天翹莫
閱其榮山呼尚嵩嶽之三冰解向朝宗者四况乎三千
人叟宴引

熙朝長養之年亦有二百户元孫羅
盛世蕃滋之衆銅鳩竹馬各懷益

壽之心極北弧南併作稱觴之宇自

天子所莫不

尊親為

聖人猷偕來奔走軒乎舞襲乎鼓音如大海潮音暢者
垓溯者埏數比怕河沙數願乘

嘉會樂舉

上儀叶萬世之逢辰先三秋而卜吉相小民之年及歲
尚邀來帛之頒如赤子之壽其親猶効菜衣之舞芹雖
微而可獻曝亦寫誠葵以賤而知傾

日能廻照臣等情深愛日職在宣風仰

乘乾出震持謙保泰之衷

康強逢吉萃東漸西被北燮南諧之悃聲教大同採自
輶軒民之情大可見酌言康爵

天之聽且弗違仰懇

俞言獲成

盛禮粵惟述

祖德期已展於廿年從此祝

聖人典更隆於萬慶斂厥福錫厥庶五

皇極而道乃會歸南有臺北有萊

萬壽祺為民之父母

井福堂文稿卷三



井福堂文稿卷四



鎮洋 汪學金 敬箴

賜職貢圖謝摺

代

皇上德普垓埏功侔燾載運

辰樞於斗柄珠躔拱紫極之垣推亥步於坤維玉券拓
黃圖之版

帝輿式廓邇治煥乎同文

吳錄延洪景運光於下武會梯航於鼇紀六服朝宗通
琛賁於龍庭四瀛在宥粵金徽受降之歲傑侏欵關洎

玉河入貢之年冒彫置吏昭茲無外臚王會以陳觀
命乃有司採土風而入告凡猗女猗童之情狀重舌而
通從邊臣驛使之見聞指掌以示窮河源於絕域非資
博望乘槎詳地志於西京已陋孟堅載筆爰仿閩圖而
津逮寧第誇餘事於丹青試稽禹貢之星分詎止踵前
聞於山海嗣以土尔扈率部歸誠之役傳盛典而補繪
冠裳至於嚙喇依犁庭歲事以來懋

鴻庸而告成剏剔雕鏤玉圃詫人間未有之書弁冕
奎章訂域外不經之論三百部圓顱方趾有血氣者

尊親億萬年大共小球丕顯承哉

謨烈臣等均叨

宣賜親奉傳觀荷

仁宇之悌懔際

皇圖之清泰六氣驗春王之朔調玉燭於周天十華獻
西母之祥發琅函於蓋地肇錫嘉名於芸館可盡鷦林
鰈水之奇常珍什襲於蘿圖益增鷺序鵷行之慶

賜金川得勝圖謝摺

代

皇上大武光昭鴻庸耆定

軒弧炳象平蠻開八陣之圖

禹鼎銘功偃伯播兩階之化溯自金川錯壤據地險而
跳踉因而玉壘移師奉

天威而捷伐捷馳露布凱功告藏於五年勝決星鈐

睿算坐周於萬里括二典三謨之訓百廿卷方畧成編
宣九功七德之威十六幀戰圖紀事則有兩甄精簡進
畧沈黎五日長驅全收滴博險爭谷噶攀九折以周麾

堅奪馬尼奮八旗而距躍剗色溯而摧喇穆驚六師天
上而來騰康薩以抵日旁笑二豎井中之坐勒烏圍一
丸突破首尾環攻噶喇依三匝衝臨根株悉拔饒歌唱
徹餘威凌邛竹之鄉郵騎飛來大捷報桃花之寺以及
洗兵沛雨駐

翠罕於丹臺聞宴需雲賦彤弓於

紫閣念成勞而聽鞀鼓軍聲如在目前旌偉伐而勒旗
常繪事悉臚掌上摹來院本蹟披東觀之奇珍冠以
天題數踵西師之成例觀奇奇正正風雲赫濯於戎機

慶蕩蕩平平日月光華於王會臣等均叨

宣賜競奉傳觀身未歷乎行間心已遊於劍外詳臚軍
志用欽九伐之聲靈細繹

宸篇彌仰

一人之宵旰長此頌

訐謨於寶翰巖疆恢井絡之躔膺

景命於蘿圖冊府煥奎文之色

御門謝摺代

皇上德備福疇

恩敷壽寓

奉三出治執中歸建極之原

御六乘時行健協體元之義蓋

當宁以勅幾為本常問旦以勤思惟

御門實行政所先每浹辰而舉典六曹聽履羣欽

黼座之儀三接宣綸近奉

絲言之出時則驗佳辰於吐莢堯階留一葉之榮占豐

兆於飛靈禹甸普六花之瑞

德音廣布瞻有喜於

龍顏

清問均承

念漸加於馬齒

丹毫揮灑俄看四韻之成黃閣傳觀特荷

片言之寵

奎鉤義畫九天開慶商之輝孔思周情六呂協鈞韶之
奏錦囊什襲叨華袞而增榮翠琬留傳勒貞珉而永壽

沐

熙朝之教養私憐書亥之年遊

景運而軒轅共樂建寅之紀祝

聖嘏於億萬千歲願徵獻瑞於靈椿附

昌期於三百六旬竊擬向陽於小草臣等材慚駑鈍職
濫台司幸衰朽之殘年逢昇平之

盛際桑榆暮景迴

煦煦於朝陽蒲柳庸姿渥

膏露於時澤賡

帝庸而諧律星雲陳八伯之歌答天保以攄忱
日月效九如之頌

賜

御筆寫松謝摺

代

皇上道契從心學精體物普行生於

鈞籥蕃昌覘德產之亨洽茂對於

宸襟陶寫得化工之趣眴

上林之嘉蔭

天藻曾留撫

清籟之高柯地靈斯擅芳題偶寄

吟篇傳辛丑清和

寶翰重拈繪事誌壬寅長至觸類則義徵枯苑五言賅
比興之長寫生而質綜天喬六法備剛柔之用道通藝
故藝通道

聖又多能詩有畫亦畫有詩妙無盡藏師意遠超師物
軼畢宏韋偃而生面獨開樹木借喻樹人鑒冠準丁謂
而

淵衷若惕宜乎青琅翠壁摹成希世之珍從此玉躡金
題袞出

傳神之筆臣等與叨

宣賜競奉傳觀尺幅爭携遙慕蓬萊仙植寸私莫効彌
慙櫟櫟凡材長依五色

毫端想烟雲之揮灑願向萬年枝上祝

日月之升恒

賜

御定補刻明代端石蘭亭圖帖謝摺

代

皇上道契義文學通孔藝

金壺灑潤三希羅墨海之奇

寶笈流輝八柱萃蘭亭之秀溯自書稱鶩換推得意於
永和洎夫蹟想龍騰重傳神於定武人如聚訟歐虞褚
幾畧留遺家有操觚宋金元間多審定考前代周藩所
刻薈序詩圖說之全遂後來益邸重撫存點畫偏傍之
舊溢古香於紙墨久登

秘府珍儲列文寶於琳瑯近觀端溪遺刻乃辨俗工之
膺鼎易混真珠而拾勝國之零鈿難求全璧於是
特頒禁搨準尺寸以鉤摹爰

勅詞臣考源流而排訂成書林之善本寧云馬式徒存
復畫史之舊觀庶與龍眠相似三百字金生玉潤
寵邀快雪之題廿八段組合綺分喜應經星之數臣等
均叨

宣賜競奉傳觀雙鉤等價於連城什襲增榮於二府帖
傳修禊五雲先睹

奎章業謝臨池八法重窺永字託因緣於染翰山陰之
觴咏如新備模楷於拈毫

天上之圖書益富

賜

御製古稀說墨刻謝摺

代

皇上治懋重熙福膺阜厚

至誠不息萬機歸建極之樞

純嘏無疆一揆絜從心之矩粵在上章八月恭逢

萬壽七旬

契吟句於歌風申訓詞於銘日斷章取義精璆鑄籀篆
之華

立說垂謨丹筆闡

井函堂文隔

卷四

七

奎文之奧法仍示戒凜前紀而

旨切吁俞頌即成規

賞新篇而情聯賡拜

主鬯潔馨香之薦

昊緯通原

紹衣欽

光烈之垂

孝思錫類有孚惠我牖民而統備

君師無逸在茲

念典而功兼述作詰戎兵於萬里景貲訖乾絡坤維興
禮樂於百年邛治本

宵衣旰食爰擬臚陳於天保誠哉自古為稀迺窺宥密
於

淵懷俛焉惟日不足席蘿圖而履盛撫大當猶視小康
斥秕政而思艱鑒前史益申後訓蓋

天者人之應自會運世而統於元惟德者福之基有祿
位名而得其

壽臣等欽承

御製恭繹

敷言誦

聖敬之日躋仰

皇衷之時敕

乾元御六長依紉縵於

堯天熙載登三遠軼延洪於軒紀採芻蕘之衢祝爭羨

詞臣附末之榮展葵藿以

蒿呼益攄廷臬傾心之素

賜

御製詩謝摺

代大學士嵇

竊臣賦質庸愚依光

禁近始策名於蓬觀沐

兩朝教養之恩遂游職於綸扉切再世

生成之感姿衰蒲柳幸暄

煦煦於春陽景邁桑榆難効涓塵於晚路昨歲

御門承旨

問年邀三接之榮今春

井福堂文稿

卷四

三

延閣賡詩侍宴志重逢之喜疊承
奎藻實叨逾格之

優慈每誦

宸篇莫罄畢生之銜結茲復仰蒙

恩命宣賜

天章偶乘

幾務之餘閒徧

簡詞臣之舊札雲烟過眼披已謝之朝華

雨露淪肌縷向榮之小草遂乃

丹毫親灑西清摘七字之吟因而

翠墨傳頌東壁煥

九天之采伏念臣職隨載筆僅堪學步於同官業謝傳
經何敢比榮於曩哲憶雪泥之踪跡曾記巢痕
喻電火之光陰深慚馬齒惟有勉循駑力冀答
鴻施奉華袞之

褒詞勵素絲之勤節荷

隆恩於世及長依

燾載之仁際景運於

古稀竊效升恒之祝

賜

御筆自責詩墨刻謝摺

代尚書朱

帝光旦復允釐無倦

堯勤

聖德日新垂裕有昭

湯儆休徵其叙先廕暘雨之時

吉惠允孚大得風雷之益

責無旁貸溺已溺而飢已飢

歌以長言憂民憂而樂民樂時則

霞莊

莅蹕夏諺紆情正當雲隴登書秋霖

軫慮晴開霄宇穉人亟事圃場潦溢河濬萍氏遄修隄
牘

察畫匭閣章之互異

俯注勤思體軍籌農計之交縈仰紓

清問際豐盈而宜照明扇難淆致賁美以盡亨椎輪勿
飾藻蘋可薦戒欺

諄訓臣衷桑穀無萌引過切題

御什

沛特恩而邀寬議益欽

躬厚之心徵

懋念以

勗誠求倍妙道冲之用是以

天庥默應協箕畢於民情地寶順成奠川涂於吏績上行下濟均叨

覆載之生成小往大來實主陰陽之諧變臣久殷望闕暫忝司疆與

宣賜之殊榮矢服膺之至願駕哀寡效繹

敷言而內訟難安鰥曠滋讐省

至教而退思奚補傳觀僚吏每懷磨玷於官箴勉撫烝
黎共樂含膏於

聖澤保泰而貞孚食福更申

壽祉延洪

鳴謙而利用行師即慶武功耆定在

一人不自滿假匪煩工歌矇誦之虛文惟萬年益懋鞏

虔長享華祝衢謠之

鄧運

井福堂文稿

卷四

七

賜

御筆授受禮成申示撰進頌冊諸臣諭較射詩墨刻各

一分謝摺

代尚書朱

吳緯傳心

帝庸觀德

體純健運乾行開嘉會之符

志繹勤思武烈顯文謨之蘊粵自

泰鈞基命

皇極敷言當紀年周甲之初為

訓政建元之始惟

天惟

祖實鑒

初衷

與子與賢特宣大號

軒齡益茂丕基垂裕萬年

堯日方新庶績允釐一揆第廷颺之進冊詎測淵懷陳

時憲之頒書遂

俞誠請

揭弗懈益虔之義

綜攬綱維準並行不悖之宜昭孚

渙汗美矣善矣賅元會運世之全

大哉一哉備祿位壽名之盛至於因文見道即事

垂箴

示威矢於成勞

勗良弓於善繼

臚驗親切至再而三

臺中神奇得十之九開軒集鳳範馳流允矣之聲在圃

祥駟穀率引躍如之旨

天子備官為節典著鴻經

聖人無逸名篇實彰惇史射為已鵠盡

君父以教子臣道不主皮先禮樂而行征伐自昔肄三
酌雅戊己丁歲紀

宸題即今

望九摛毫曾元來世承

家法臣服膺

明諭雒誦

元音睹

作述之崇儀佩弛張之

妙用際盛仰

尊親之至芝牒蘿圖

集成擅巧力之兼金聲玉振惟祝

重光久照樂

勲華億載之方中更欽

六位時乘統天地四方而無外

賜

御書歲物謝摺

代尚書朱

皇筴苞元

帝紘燾泰

天文卿商祝

堯壽於垂衣地產美腴頌

湯仁於解網迓歲韶而啟籥熙春之敷錫方長舉年例
以承筐吉戊之臚頒倍渥時則金題溢彩融

朶殿之光華玉食分甘出大庖之珍異宮壺沆瀣榮逾

十賚之宣禁俎紛綸品重三驅之獲握驪珠之盈尺四
照生花割肪玉之殊饅五翬錯采祥開藻翰

騰龍鳳於臨池猛服威弧集麟駟於在囿飛英擢秀捧
頡寶以播芳蕤擘脯烹膏詫仙肴而流華沫衍疇則念
徵箕範

福備乎壽富康寧數典而禮洽虞巡道符於

聖神文武臣鑄丹思効餐素懷慚

重光申佑於天家

三錫祇承夫疊吏六書粗習誚藝苑之雕蟲一轡先嘗

陋管城之食肉江南春早幸庶民容保无疆塞上秋高
慶列服會同有繹更願近依

香案萬年瞻追雲琢漢之章即聞迅歲戎旃一月捷馘
泮羽階之績

乾隆四十五年山東紳士謝

恩摺

代

皇上功侔燾載

澤普埭埏均九賦以經邦藏富錫盈寧之福重三農以
藉畝

推恩廩補助之恩

國慶頻申給復而正供普免民依是切蠲除而偏裒無
遺惟東省沃土衰延已際屢豐之後自上歲濁流汎濫
偶成積潦之灾佇績歲於宣房畚鍤適成不日溥

德施於比戶粥饘無異有秋固已賜半賜全感深於鴻
澤流移之日餘三餘九稔兆於鯨波底順之時乃復疊
吏

周咨

恩綸特沛念一方之飢溺

體同井之扶持雖右絀左支未免室如懸磬而高原下
隰何嘗田盡汙萊崇洽比之素風解推自亟沐敦龐之
郅化任卹彌殷謂民食宜籌急難相資於保甲必官租
普緩餘糧益濟夫呼庚曠蕩難名軫灾區例推豐壤艱

難備悉紆公賦俾遂私懷補荒政之未周成法自五分
以上極

深仁之靡既鄰封逮千里而遙凡此益下之鴻慈實為
厚生之至計臣等身依槐棘心繫枌榆一紙初宣

北闕之恩膏自遠十行忽下東人之杼柚無憂從此慶
大有於春臺太史効書雲之奏祝

古稀於壽宇編氓懷獻曝之忱

乾隆四十九年江南紳士謝

恩摺

代

皇上乾行不息光澤無疆

蒞南紀以省方禹甸萃湖山之秀順東皇而布令堯衢
瞻雲日之

輝際一元歲甲之昌辰舉

六駕時巡之懋典河清海晏底湟瀆於平成蒼抃塗歌
躋垓埏於仁壽固已純庥茂霽慰三年望

幸之忱渥闡延洪申萬國祝

釐之頌乃於入疆伊始行慶頻仍捧

丹綸而錫福自天迎

翠罕而臚歡載道餘糧留漕加月糈於丁船額賦蠲輸
普春租於

蹕路修平庀職彈冠邀除晉之榮汜灑宣勞負弩獲飽
騰之樂耆年矍鑠扶鳩杖而沾

恩園土空虛表雞竿而放赦青衿增置廣髦士之常員
紅粟停徵豁公田之餘課至若

念兩江之財賦

詔大農逋除百萬籽糧

宣四庫之圖書讀中秘快覩三千禮樂凡一豫一遊之
至計時時周切於黎元而九功九叙之良謨事事昭垂
於奕禩悠也久也真同覆載之難名唐哉皇哉實為史
書所未有臣等隸籍江垞綴行朝宗榮叨隨

輦頃波涵在藻之歡喜溢迎

鑾沛澤志維桑之慶從此山陬海澨盡戴

皇仁同茲壤叟輶童咸歌

帝力席蘿圖而錫祉榮光占牛斗之分合部屋以驩謠

井福堂文稿

卷四

素

協氣効畢箕之應

乾隆四十九年浙江紳士謝

恩摺

代

皇上健法乾行澤敷弼命天開

雲日堯尊黜擊壤之衢地美湖山軒鏡朗

省方之館念平成於澤國

六巡之懋典時勤企

遊豫於江鄉兩浙之輿情倍摯乃者金閭移

蹕慶普入疆因而石壩停

鑾事先觀海新隄環甃排樁巧試梅花舊堰周遭護漲

工仍芟楫三疊鞏固月潮消噓蜃之村萬井恬熙沙市
聚祈蠶之戶功宏事舉官緡毋靳於水衡

意美法良

恩綍彌周於海澨而且慶賚駢申

德音覃播軫會城之歲課兩邑全蠲溥

輦路之春祺三分再賜掃除有役營糧嘉擁篲之勞供
億無煩吏秩晉彈冠之喜塵養恬於黃髮引年遍及軍
民廣選造於青衿籲俊分行州郡躋空貫索猷清生草
之庭筴羨牢盆榮還獻芹之路至若名山福地藏書鄰

宛委之鄉聖水文瀾珥筆比承明之彥從此花港柳橋
之麗景

恩共長春竺峰驚嶺之臚謠

仁為曼壽燾我載我奉金泥玉檢而襲軒風人雨人隨
芝蓋鸞旗而翔泳臣等誠傾葵藿誼切梓桑抃舞同深
頌揚莫罄蘿圖函夏瞻日星河嶽之光華茹屋熙春均
草木禽魚之淪浹迺

安臚於天上東皇符

御六之乘望

仙關於雲中南國效呼三之祝

嘉慶五年正月直隸紳士謝

恩摺

代

皇上運啓泰符

慶孚兌澤九衢

錫福臨方占太乙之祥雙闕宣

恩布令叶先庚之吉自上歲經行

蹕路什三特予蠲除因近畿環嚮

宸居尺一亟籌補助固已畝餘秉穗迎

雲日以騰歡戶給粥饘兆雨暘而告稔茲以履端肇歲

冥命頒春

肅駕瞻星

孝慕展初暮之典溫綸承露

惠心流元日之膏祇候青旂回

輦正七冀應節喧傳黃紙懸書當八穀開韶

軫偏災而蒼赤堪憐鴻敷載切

慮畢賑而青黃不接薦勸猶艱貸以籽糧勿失先時而
趣事益之金庾並權折色以宜民更聞二邑積潦之未
渚益悉四窮宿逋之更困準情豁免無怕產詎責怕心

實力奉行有治人乃成治法凡此風人雨人之
至意與物偕春宜乎燾我載我之羣情望
君如歲臣等身依槐棘心繫梓桑綏豐迓
貺於梁壇和會迎暄於黍谷近

天韋杜耕鑿先疇舊德之餘生世

唐虞軒轅累洽重熙之際看金臺敦耕東作農祥與
化日同輝快玉壘馳捷西來華祝共凱歌齊唱

嘉慶五年三月直隸紳士謝

恩摺

代

皇上孝治光昭

仁恩翔洽

珠邱展

駕三春履履露之恩

玉輅臨方八表切瞻雲之願粵自泰元布闔回黍律以
迎溫繼茲兌澤函和應穀辰而兆稔固已康衢
錫福醲熙皞於

堯尊環甸臚歡飫盈寧於函鎰茲以撫時追
緒敷土肇儀

躬謁

山陵經行畿輔鬱蔥佳氣松楸載

孺慕之誠茂豫韶華蒲杏被

皇慈之渥足先百姓未週旬而

重巽以申

惠普十行甫諏日而

咸臨有慶急軍儲之飛輓衝繁屢遞郵籤嚴

蹕路之灑除勤勤頻移里鼓

軫民勞而給復二三五量予等差籌屯業以寬科萬億
秭代謀積貯土地辟而田野治軒轅於紺轅黛耜之間
陰陽會而風雨和恬養於赤縣黃圖之內臣等籍依近
輦光奉屬車宣

丹綽以山呼望

青旗而塗抃先疇舊德沐

膏澤於維桑利用厚生涵

恩波於在藻際此武成送喜西師連月捷之音從今農

慶占豐東作正晨祥之彩

嘉慶五年閏四月直隸紳士謝

恩摺

代

皇上聖命申

恩益心孚

惠庖耘念切閭閻

塵雲漢之瞻

霄禱

躬虔問夜驗雨星之應交衢布瀝既零涵澤於桑田匪
野流膏有渰回甘於黍谷茲以量臣奏告祇奉

德音因之旬服輸將備縈

睿慮望霓後慰軫向隅獨抱偏陬濡霑先週憐積困未
蘇歉壤縱優霑可冀遇今年桐閏之期奈逋課稍艱展
來歲麥秋之至其或輕災之常科在適量緩登場至於
近界之定例相循

俞推合境責歸撫字嗷鴻之集胥安弊杜侵欺涸鮒之
援無已亟春夏以來之補助豈惟至再至三留畿輔兩
屬之蓋歲奚啻斯千斯萬臣等歡承在藻誼繫維桑舍
仁先赤縣黃圖食

德徧青疇綠野功資作解雷雨動而滿盈利普登豐陰
陽交而和會名靈霑以驅魃南薰諧解阜之音傾溟渤
以洗兵西捷蕞蕩平之績

嘉慶六年正月直隸紳士謝

恩摺

代

皇上治握瑤樞

化光玉燭萬方送喜綏豐迎獻歲之祥三輔敷

恩和會錫拱

宸之福惟環甸延袤沃野壤壚久浹春膏自濱河汎濫
偏隅霖雹偶成秋歉

念民依而賙養饘粥無遺蠲

國賦以寬科倉箱不匱固已鴻敷頤息覘按堵之胥恬

雞哺羣嬉效登臺之有慶茲以履端肇始
冥命重申莫舒二葉之苞芝捧十行之札

軫青黃之不接待澤猶殷

視蒼赤之如傷厚生益切州釐邑次揣方是較重輕戶
別口分權籍兼權緩急貸籽糧而資力穡舉趾偕勤折
緡鋸以便時需燃眉尤濟盡心補助孚兌說以无疆實
惠涵濡廬屯膏而必戒從此兆三百六旬之開籥休徵
協畢雨箕風奏七十二浚之安瀾樂土普燕垂趙際臣
等班依槐棘誼屬梓桑翔泳於先疇舊德之餘浹淪於

累洽重熙之盛

溫綸宣

闕近

光首效鳧趨吉語盈衢戴

德先敦扈勸畿千里歲功東作

湛恩共韶景方長舞兩階月捷西騰軍凱與禾詞齊唱

井福堂文稿卷四